


4

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 10 1952

4



仁壽一
送人遊
九華

送人遊九華

此山不遠
亦非遠
有真形
畫有詩
題在壁
一立

人與不遠
三絕
無礙
心南
勝蹟
如朝
到山
真清

人與不遠
即此
九子
可自
余欲
往從
之

小甚
度自
時有
地訪
雲揚
二年
丈

或疑
與山
同流
無礙
此其
遊歷
一汀
雲影
恍惚

或疑與山同流無礙此其遊歷一汀雲影恍惚

鍾伯敬詩集卷之五

七言律一

送人遊匡廬九華

晚遊匡岳亦非遲囊有真形畫有詩

君善詩畫

置我一丘

差不惡憐君三絕獨無癡心諳勝蹟如曾到山喜清
人似故知叩罷彭郎逢九子寄言余欲往從之

丹陽夜泊時將過訪張楊二年丈

城裏溪橋曲曲源依稀桃葉渡邊村一汀雲影流虛
響半岬蘆花覆夢魂江月林風隨去住蛙聲鳥語自



寒温故人儻作臨邛宰旅况鄉愁與暫論

江行俳體

并序

友人譚友夏作竹枝詞近百首余曾賞之皆舟行詩也其體則七言絕其所採民謠土風自江陵至吾邑上下二三百里耳乃遂能至百首矧余舟發鄂渚迄於金陵歷吳門荆吳俗遷冬春序改縱其目覽口傳足涉手書所得寧當止百首哉於是難其事廣以七言限以四韻拘以俳比聲偶要使體諱而響切事雜而詞整氣詼而

法嚴令才有不必要盡而意有不得逞亦蟻封盤馬意也范蔚宗有言吾於音樂恨不精雅聲至於一絕處亦復何異此難爲拘儒俗子道也夫今之樂猶古之樂千古聲詩秘諦子輿氏一語拈破妙達此解可度脫千萬劫詩文苦趣偶因一端而併及之

五載前曾說此遊問程結伴幾春秋艱難水陸千餘里大小開梁六易舟畏路刺船頻裸體乘流開柁緩梳頭順風一日行三日莫待依灘怨石尤

又

虛船也復戒偷關枉殺西風盡日灣舟卧夢歸醒見
水江行怨泊快看山弘羊半自儒生出餒虎空傳稅
使還近道計臣心轉細官錢曾未漏漁蠻

又

巴舫吳榜簇江干市僧邛娼半筒灘繫籍慣振鄉閭
閭投單例辦敝衣兒編竹成長纜乞子施竿覓
剩盤小盂羣炊如候代奚奴亭午未朝餐

又

江鄉漲後指荒郊木杪魚層俯雀巢處處葑田催種
麥家家竹瓦代誅茅岬容霜老菰蒲秃水氣晴黏艸
樹交快舫蝕波纔寸許急湍底復怨丹膠

又

日日移家處處隣吳頭楚尾半波臣罟師嚼米餐烏
鬼舟僕偷錢買白鱗鴉食肉能謀底事獺銜魚欲祭
何神黃頭見我詢潮步笑是潯陽始過人

又

羞從狐鼠敘行踪隨例輸錢買印封半月員程過一

月杪冬孤艇發初冬持符官卒尊於吏附舶儒生賤
似傭估客孝廉陽不問胡牀指顧太從容

又

邨烟城樹遠依依解指青溪與翠微風送白魚爭入
市江過黃鵠漸多磯家從久念方驚別地喜初來也
似歸近日江南新澇後稻蝦難比往年肥

又

小聚星晨屢斷連山椒一縷露人烟土音偏不移鷄
犬市暨通行雜鈔錢澤國火耕兼水耨霜林棗地接

楓天時艱夜禁明書禊撥刺更更響釣船

又

土風何異竟陵城水代平田網代耕放去翳鳧偏認
主教成馴獺聽呼名狂書鳥過沙畱譜囀語鳥眠夜
作聲奴子人吳學細唾儂音僮舌字全生

又

千門市火亂漁燈銜尾官艘也繫層崖屋乍隨春漲
徙灘舟專候早潮升清時閭左衣形緩儉歲江東米
價增從客諱言新入洛自稱前度到金陵

又

潮褪金焦岬稍曉斷虹嵌壁劔雙槭嵐堆積翠深藏
壑雨隔燧紅半路巖近海蜃晴朝列市乘風魚背晝
張帆新荷香遍吳江水思製瀟湘隱士衫

又

鳴榔打鼓暮乘潮借得官舟勝客船奴子暫時聊意
氣朋從此日也逍遙公然鷓首橫銀榜無數漁曾避
畫橈睡醒却詢瓜步岬長年前指廣陵橋

碧雲寺早起

人語翠微聞啓門離離燧露濕初暎行經絕澗數花
落坐見半山孤鳥翻月去寒潭林影換雲依闕砌艸
頭温與君莫厭頻移榻晨爽秋陰非一村

夜坐

與茂之同用起句

愁裏不知秋淺深高城幾處密清砧悲愉未敢開鄉
信榮落徒能感客心永夜鐘聲非遠寺空天霜氣况
衰林砌蛩籬竹皆情性咽露搖風各自吟

辛亥元日早朝

火城漸簇大明宮隨例嵩呼歲歲同燧雪在簾如落

金仁詩集 卷五
月輕烟半樹信柔風金支縹緲春陰外碧落參差夜
氣中却憶庚寅元日事廿年天誨不曾通

白沙驛

鳥墮猿迴半楚關却云蜀道古來艱高原頗盡仍逢
水絕壁攀窮始見山天缺似多青嶂累巖空長待白
雲還盤旋恐亦無過此不信前途更九灣

合江舟中早發

日疊寒流次第明開牕剛見半江晴迎舟亂渚如還
往隔水羣峰互避爭不覺鳴榔先午夜怪無擊柝續

幾更披衣驚失舟棲處百五飛湍夢裏行

忠州霧泊

漁艇官舟曉泊同蜀江愁霧不愁風煙生野聚汀寒
外雲滿山城水氣中曲岬川迴翻似畫遙天峰沒却
如空依稀往日丹楓露稍見霜前遠近紅

還至歸州

最喜茲州喚秭歸歸舟聞此各依依不辭過峽三聲
苦且與征途九折違問答漸聽鄉語近逢迎寧計主
人非獨餘一副酬知淚忍向西陵道上揮

金仙詩集 卷五
寄答尤時純

宦邸家居數見貽三年千里夢相隨高情恕我嗣音
少畏路憂君作事竒滿腹精神堪獨往半生氣俠諱
人知行藏亦自超流俗士所當爲未止斯

至譚友夏復招之

也知物論乍難平素負高懷諒不驚如子自無煩富
貴旁人未免重科名暫因意外升沉事默證胸中靜
躁情遙想扁舟當此際出門無累往還輕

復雨和友夏仍畱之

冬雨連宵亦不時當茲欲別却相宐留經幾度辭彌
拙聽過三更意漸移夕吹聲中殘葉怯山寒來處客
衣知看君原不勞維繫又借愁霖自改期

山夜聞鴉同諸子分韻卽成

得明字

亂處高飛每易驚出林誰是最初鳴幾千萬點孤村
遠過兩三聲片月明山晚後棲須好侶天寒羣影見
慈情閔聞亦復關何事能使空齋客思生

友夏再至晤商林二丈與予兄弟山居旬餘將

歸

計爾南歸三月餘十之五六住吾廬此回良晤尤非
偶前度竒談亦不虛賓主豈能同世法眠餐直欲作
家居頻來久聚渾忘却只記明朝又別子

孟和茂之將過友夏湖上

與共經旬住小園何須更往扣渠門義宜拜母兼兄
弟趣必繇山及水村縱去猶當寬信宿卽畱寧得幾
朝昏行行子欲之官矣此際情辭不可言

至真定

偶隨計吏北之官一月嚴程七日燼文物清時王事

易風霜遠道客身難每來幽薊多逢臘此度滹沱獨
不寒朔氣最高冬未雪豈空春近土猶乾

暫駐涿州抵良鄉再宿

長安近在舉頭邊何以逡巡屢不前百里情多難九
十半冬途未了三千憐茲驛路寬朝夕幸我程期可
後先京邑故人相待滿轉於將至意紛然

丘長孺宅看暖室梅花

同馬時良仲
良商孟和

臘盡寒花未可尋見花偏不必寒林移當密坐人同
邇開值他鄉意獨深一室冬春俱在眼數枝遲速頗

經心冰霜祇隔軒窗外似惜幽貞不忍侵

早秋

次第高城生遠音離離清露報疎林微涼不待晚先
至積雨能令秋易深數載獄魂惟有夜九邊兵氣半
爲陰悲哉觸目多情事漫道徒驚楚客心

秋曉

清秋但覺曉尤清起趁空明透砌行在竹露沾星下
影出林鴉帶夜來聲烟隨歷亂孤光去人語稀微衆
動生高枕倒衣皆此際紛然喧靜各爲情

汎江尋三遊洞降觀於峽

漸上西陵江不開棹隨高急去疑回灘聲過洞杳無
見峽影銜天皆欲來古壁蒼沈非艸樹寒巘秘密或
風雷潦收石出才如袂看作瞿唐五月堆

雨發裕州

歇馬驅車每夜分開鷄曾未夢中聞雨餘殘月去塵
久露下寒星炤客勤蟲自亂鳴非屬和鷗於相值偶
爲羣生來澤國安卑濕連日南行皆水雲

丙辰 聖節前 東宮出講蓋八月初四日也

恭撰二律

儲幄塵封十四年人人測海與窺天嚴慈要使羣情
豁講讀須教盛事傳意定宮庭宣諭後禮逢中外
祝釐前竟從攀檻纍臣語難道皇心不曠然

乙卯

五月御慈寧劉侍
御以奏對失次下詔獄

又

師儒圖史立森森可但三餘自討尋温室晨昏知有
寄廣庭耳目貴嘗臨皇家絳帳書生事父道斑衣赤
子心無數孝慈難出此前王作法意高深

十五夜同茂之過俞仲茅步月

每有佳期共亦艱屢邀真自見君閔孤光多在烟霜
後積氣如行天水間是夜秋偏易好何人與月最
相関殘砧步步不知處能帶寒聲隨我還

九月五日天津舟泊和茂之見岍女簪菊之作
嘗時九月上旬前未必寒花在酒邊插鬢想他開已
久驚心美爾見能先數枝紅似霑霜氣一路香應炤
水天買置舟中伴蠻素欲成三婦各嫣然

泊頭逢虞伯醇孝廉同康虞茂之過飲嘗范符

孝廉水樓留贈

偶爾停舟道姓名遊栖事事若先成
主賓妙在無因合歌舞初非有意生
月與水煙秋一魄花添樓榭夜多情
知君別後思今夕愁見他帆煙外行

岱遊告成示康虞茂之

岱於五嶽領圖經雍穆無言具典刑
灝氣自然歸一朴虛懷隨處見羣靈
衆中耳目尋常過理外情文咫尺
扁深感同來俱靜慧能將願力答真形

贈焦弱侯太史

始見圖書鐘鼎人後來典則古精神
惟予敢謂尋嘗事在爾行將八十身
學禮於周兼杞宋垂文自魯逮關闈
不須更問蒼生意要使清時有鳳麟

宿浦口周茂才池館

江邊事事作山家復有山齋著水涯
一壑陰晴生艸樹六時喧寂在鶯花
潮尋故步沙頻失煙疊新痕嶺若加
信宿也知酬對淺暫將心迹借幽遐

訪陳翁公於舟因共集俞園

相逢各不愧聞聲一揖舟中見
一生名士去來關耳

目高人語默遠機情禽魚於我心無隔筆墨窺君道
甚平自是出山時最少閑遊未免致將迎

九月七日蘇弘家符卿要集靈應觀

節物催人昨夜霜先來高處待重陽深秋欲盡偏能
好積水無他但有涼艸樹層層生晚霽亭臺步步上
清光歸途不定風煙外初菊殘荷共一香

秋夜集俞伯彭園池

閒園無意作衰天水氣花陰事事然霜後芙蓉猶有
露冬前楊柳暫為烟魚龍夜惜殘秋去烏鵲寒驚片

月遷四序棲尋吾欲遍愛君不獨在林泉

花山禮銅殿 是僧妙峯造

一路陰晴屢不分山中風候易紛紜村過數日無紅
葉江近雙峰似白雲蛇虎夜深求懺度鼓鐘人定示
聲聞可憐世外僧經濟金火須臾歷劫勲

歲暮喜董崇相大理至白門

舟車多故敢為期相見雖遲勝遠思蓄意欲浮成塞
默作書未寄恐參差對君又在佳山水幸我兼當暇
歲時可謂此番非望外幾人有約尚天涯

夜詠彭舉燈下水仙花

紙窗花石自層層
香色團樂共一燈
不欲上天聊在

水水經注方丈在海中羣仙不欲升天者處之只愁經雪乍為冰
先春似

避寒梅妬入夜如嫌素月增
道是洛川神未信
火邊

波影有誰能

臘月十五夜攜酒資約茂之過集彭舉齋中

斗酒家中自不無
就君但覺主賓殊
歲過此夜誰知

再月比嘗時欲更孤
燈火半窗年事在
圖書一室古

人俱出門看共閑
行地盡是明朝車馬途

董崇相要過金陵寺登所構遂有亭

同許伯倫林茂之

金陵面面蔣山靈
偶爾孤峰直此亭
數笏軒楹廉所

積一窗林水靜堪停
稍離耳目曾經處
但覺煙霜亦

異形歸路却尋殘
照下回看鐘梵在
青青

戊午元日

時萬曆四十有六年也
過嘉靖曆一載矣
惺生

於萬曆二年甲戌感而賦詩

尺寸今皇教養身
叨為四十五年人
地閑拜手書

時日官缺違心守俸薪
予時擬部猶一夜雪分花五

六茲辰歲界節冬春敬推 祖曆周當始靜聽天淵
聖慮新

夢山中題壁有石引長松天一笑之句起而足
之往索彭舉畫

空山鷄犬夜無驚靜者深深獨往情石引長松天一
笑橋迴寒瀑月三更雲林轉覺幽懷上冰雪能令慧
業生說向高人資畫理比來漸喜夢魂清

春暮看桃花宿王氏山庄作

春遍郊原恐易終人情爭向數朝紅曾經詠賞心尤

戀未接香光魂早通山月一更風雨後園花半日霽
陰中忍看歸路飛飛處較昨來時已不同

白門逢范長倩學憲賦贈

浮家汎宅偶逢君各有清機副所聞身是今人疑已
古妻能偕隱不妨文墨花舊灑炎方雨囊艸新霑震
澤雲愛爾山中雖欲到携來煙水暫相分

正月二十四日始見人家瓶中粉紅梅

塢邊梅信反遲遲珍重瓶中始數枝爲負紅顏成異
種故超素質得先期愁同桃李春相見幸託冰霜晚

自持一段神寒能立俗豈因微艷損幽姿

再登浦口王茂才山樓望石武庫澹寧所造新

城

水上樓居忽有城重來翻覺類新成鶯花每次逢長
夏風日無端屬乍晴山對層楹還自若江添睥睨倍
多情亂帆屢向煙邊沒去遠參差却漸生

九日携姪昭夏登雨花臺

節物登高雨未成閉門聊復愛其名客邊難見重陽
好郭外剛傳此日晴子姪漸親知老至江山無故覺

情生悲秋欲問秋何處絲肉叢中一雁聲

三月三日再汎赤石磯勒詩於石

又乘佳日汎餘清昨夜猶聞風雨聲一水恰周城內
外三春半付節陰晴舟經花鳥兼山趣岬寡臺臺稱
野情珍重磯頭千古石今年上巳始題名

六月十二夜吳康虞要汎秦淮同諸子分賦得

舟字

不獨今宵可共遊偶因清暇念淮流殘陽漸去方知
水羨蔭非多却在舟風露半更天盡月樓臺三伏夜

金仙詩集 卷五 十五
爲秋一涼以外全無待朋侶溪山得自繇

夜出安德門往牛首道中作

出郭千門半欲闕往牛多用此時還月離樓榭翻能
滿夜在郊原始覺閉艸際螢光如曉露葉邊蟲響作
秋山一泓清淺滄然去昨夕身行煙水間

六月十七日汎溪就青海宗侯水榭看蔣山令
弟渤海具舟要往

城中却得蔣山全始愧從前十數年不信遠峰平地
是有如登閣出郊然隔烟柳色先秋事待雨荷香欲

暮天取次高情生一朴兄家園館弟家船

七月十二日宋獻孺招集茅止生烏龍潭新居

同潘景升林子
丘茂之譚友夏

別有寒流四序深清光片片化爲陰天淵一氣何時
已風日同香不可尋幽岬秋堪添短筏斜陽月久待
高林賓朋亭閣俱無故情事頻生靜者心

白門逢周明卿大司農誕辰賦贈

進履今年北斗邊國稱元老里推賢人欣私願尊親
合天篤公家理數專魚菽他鄉三黨會桑蓬夙昔四

鐘伯敬詩集卷五
方緣蒼松莫道風霜肅處處垂陰歲歲然

再過錫山訪尤時純

愧近君家到未能塔燈南郭見層層十年驚換新兒
女再別彌知重友朋風味漸親朝慧水夢魂先報夜
毘陵時危各作山中計此興從茲豈易乘

夜步長橋

去愛長橋似大隄歸途猶未甚嚴淒月過晦朔方能
好日見賓朋以次齊豫惜晴天舟信宿果逢清夜水
東西寒城內外斯須遍一棹光中意反迷

訪王聞修年丈

一棹茗煙返自如公涸數息得幽居新携登汎情無
已追味溪山話有餘別後欲窺人外意到來先覩案
頭書問君婚嫁垂終日可許當予作父初

過文啓美香艸垞

入戶幽芳小徑藏身疑歸去見沅湘一廳以後能留
水四壁之中別有香木石漸看成舊業圖書久亦結
奇光君家本自衡山出楚澤風煙不可忘

虎丘訪章翁生看殘雪作

金仙詩集卷五
十一
婁門雪未達明朝到此冷然尚動搖竹半夕陽隨客
上囀前積氣待人消餘寒入臘畱相護遠色兼晴坐
可遐想爾昨曾登望處紛紛親見下層霄

讀元歎詩不覺有作

詩亡豈遂絕真詩喜得其人一實之怒罵矣嬉良有
以興觀羣怨想如斯禽魚鳴躍叢淵下草木勾萌雷
雨時巧力非天亦非我後先機候可能思

贈丹泉周翁

時年八十二

聞名久不信同時敢謂今朝真見之萬古轉尤如未

動羣賢落筆卽相知兜皆白首身無恙意在青山夢
亦隨豫指餘年申後晤勞勞翻慮我愆期

還至無錫再晤鄒彥吉先生

歸帆猶帶別時霜道路無多計日長遊盡未殘山雪
影到遲堪待澗梅香念子寒夜舟何處對此良朋水
一方但記去來皆見月中間陰霽亦相忘

二月三日重過靈谷看梅

王觀宗招同方孟旋諸子

嘗年花事不曾難今歲重來始得看風雨半春留好
口香光二月出深寒叨陪索笑遲何憾共念攀尋滿

金仙詩集 卷五
欲殘幽賞先教聞見靜澗邊步坂踏松湍

陳中丞正甫自晉貽書白門極爲相念感答時
將以南少司農蒞任於此

十年遶漸陸沈間屢見時情國步艱如某一官何足
道惟公千里亦相關圖書頗愧封疆苦花鳥微霑歲
月閑重地安危元老在暫容流寓不須還

題小東山贈王翁

翁新買此山其
子構亭其上

三十年前解綬還今朝才有小東山四時花月寒暄
裏百里耕桑坐立間微祿買山言未易佳兒扶老命

維艱所期杖履長無恙歲得從君一度閑

題葛澹淵廷平署中巢居

古查覆水卽巢居流影交加荇藻如魚鳥不爭人事
外天淵無禁吏情初閑看早燕來稱賀拙引春鳩與
共廬俯罷轂音何所寄釣磯仍借一枝餘

喜湯嘉賓司成至白門晤宿燕磯舟中

同潘景
升

默然對揖已無窮何似音書日日通十載形魂凡屢
定一舟情事不堪終別經覆雨驚濤後見在清風朗
月中幾欲過從托心口君來予往亦相同

白門病中送尹子求先生解蘇松兵備任歸里
舊帆又汨石城津出處殊途隔歲身師友剛離逢病
日邦家多故羨歸人自來薄俗生文物難以孤情久
世塵一簣未成聽君去東南後慮不遑論

章章甫自中州至白門過訪行及一月聞有言
予死者

意外崎嶇命駕身幾爲白馬素車人雪霜路不盈千
里生死情先亂一旬尊酒繇今思往日篋詩自臆到
新春重逢豈必論他故一別如茲已愴神

二月初五日重看靈谷梅花

依然松外澗邊梅十日之中兩度來晴雨莊嚴孤格
韻冰霜呵護萬條枚容予無事頻頻看咨爾多情緩
緩開猶恐幽香尋未遍翻因迷路得公洞

冬夜集吳體中中丞西園觀劇

同魏士爲
潘景升

歲寒園古自蕭森隨意烟霜水木深城裏慣看山四
面冬來初見月千林佳人文士皆幽侶歌板禪燈各
道心六載白門將去客後庭密賞却從今

鍾伯敬詩集卷之六

五言排律

觀象臺銅渾天儀刻漏

製出何人手年標異代君篆存蝌蚪跡班上鷓鴣紋
 古瓦棲朝露孤楹抱宿雲九金來禹牧七政準堯文
 候較吹葭審躔從累黍分當時甘石輩心目太精勤
 送湯去執從程時鳴明府之鞏縣應其館聘兼

東時鳴

不忍舍君去胡為復勸行暫緣俯仰計強割別離情

金仙詩集卷六
所賴賢明府伊予舊友生依人占識鑿食力見幽貞
明發卽千里今宵坐幾更不知書記外暇日亦何營
北郭十方庵有荷數陂列樹垂蔭日中移坐月

出始歸

稍入清冷國身心濯衆香野穠魂欲醉池靜影堪涼
葉際窺千佛花前對六郎好風微報月空水薄如霜
湖晚收殘暑林秋戀夕陽淨居非郭外歸路不深防

溪晚

浩渺秋難望平林但遠烟山楓紅隔寺谿水碧迎船

寒犬喧疎店驚鴉亂晚天僧歸殘雨外笛散夕陽邊
幽思宜孤往高情多所捐不知吟眺後何事亦凄然

送龍君御觀察再之湟中

戎馬湟中地如君往詎宜從來要害處特用老成爲
天欲優文士途方喙屬夷輕車原熟路緩帶且荒陲
簡練屯田議悲涼出塞詩朝廷倚充國枕席過王師

晴

積陰時亦豁敢作喜晴詩秋雨愁人慣朝暎恐我欺
嵐收皆有漸山霽或無疑稍聽雲安近尤宜日出遲

埳暄行蟻逸江暖浴鳧知半月成都路從茲諒可期
舟晚

舟栖頻易處水宿偶依岑岬暝江逾遠天寒谷自深
隔墟烟似曉近峽氣先陰初月難離霧疎燈稍著林
漁樵昏後語山水靜中音莫數歸鴉翼徒驚倦客心

夔門卽事十韻

井邑經夔府川途盡蜀徼山容皆鐵石民事止漁樵
竹柏嘖喧寂雲烟壁晦昭江流天欲去舟過峽相招
岬遠猿投磔枝危鳥搆橋苗畬穿石隙籬舍繫峰腰

積磧居難定頽沙土易曉冬衣資野葛晚爨就山條
燒圃蔬為果烹泉茗雜椒惜哉形勝地風物亦蕭蕭
入邑往還宿徐乾之北庵皆不值

此地經來去空庭廢送迎三人猶共宿

時與劉艾二生偕

月再經行王客皆無意眠餐較有情蛙喧終不俗鶴
病自然清感寂幽人性中邊靜夜聲向時初吐月重

見或殘更

前宿以五月初七夜今為二十六夜

夜汎

始來驚晦靄久乃快森沈月迥頻生浦霜輕未滿林

孤光澹何止萬象窈然深烟水開人意秋冬警我心
滅明波異狀喧寂夜同音但見扁舟入無繇識所尋
課除後園艸屋客孟和茂之二首

園荒吾且廢君曰可幽居愛此山川意兼為朋友廬
纔因稱賞後稍事掃除初竹樹行將乞榛蕪以次耨
繁宜先去甚淨亦自成虛到處有衡泌游棲嘗晏如

其二

為此已云晚從今漸亦清重編籬有法頗去艸無名
居僻交宜恕朋來起共生牀移庭最淨杖就樹初晴

疎密因時取縱橫各意成閉門幽豁處山月不難明

臨穎署中和商孟和看含胎牡丹之作商閩人

閩鮮
此種

國色多珍重尋常不入閩洛中生長慣炎服見聞新
忍艷過寒月留香與晚春避藏含意處矜慎待年身
幸爾相逢日當他未嫁辰韶華雖少小情貌已清真
有似南君子驚看北婦人等閑籬壁物易作魏姚論

宿固城店同孟和作

可緩今宵發無多二日程一眠安苟且有友不凄清

雪曙先於月霜繁後必晴餘寒浮欲出積氣靜初平
僕馬勞堪息興居簡自輕縱非前路暮吾意詰朝行

癸丑春晤別同門諸年丈感贈時在都者為陶不退鄒臣虎葉

讓卿與予入計者為何昆謀喬君求文天瑞張爾荷史敬勝

蘆溝師友別二十一人全列職俄中外浮踪輒後先
蓬飄不必論木折獨凄然重晤非今夕難同是此筵
昔遊無半與相去祇三年又復紛紛往天涯若箇邊

五月十六日集十方庵水邊同尹孔昭魏上為謝耳伯繆當時羅

玉檢陸君啓王貞舍

一回來憇此景事一回加園果閔中子池蓮意外花
茶瓜僧地主烟火寺人家蒲葦風皆去鷗鳧浪與斜
坐頻過好鳥歸定准昏鴉山雨殘陽後幽香發水涯

秋後五日題東長安諸友

立秋在六月是以不知秋似見木微脫才驚火欲流
辭家為客幾半載四時周一鶴唳幽獨亂蟬鳴旅愁
良朋偏易別薄宦亦何求積雨涼無漸空階潦未收
高寒燕地改甲濕楚人憂故國方鷄黍胡為各滯畱

檣山在浮渡山前如舟之檣一日天柱峰

一柱何其幻分形應衆巖身經千正側峰只此巉巖
但自離金谷皆能覩石函居中人笏立忽斷鬼斤剗
山以浮而渡檣如動欲攙蜿蜒龍作纜山有石瞻顧
屢回帆

小孤山

是峰瘦而特名曰小孤宜石笋何曾蒂盆蓮祇一枝
禽魚殊所視形影共為疑水與之周始烟無可蔽虧
登焉堪四面過者不多時流峙相持處舟航未敢遲
九月至玉泉與友夏居易登覽宿於寺

人生重九日幾度集高深下馬登臨事出門山水心
再來同節物善息就森沉積鏤存文質寒鐘臥古今
月遲終一炤源幻異初尋澗晚多精感林秋寡近音
遊人皆此賞靜者自然欽幽聽虛無盡巖星響碧陰
友夏見過與予檢校詩歸訖還家

子有子當務安能禁子歸茲來真不苟所得頗皆微
孤意相今古虛懷卽是非周之東可反檜以下無譏
刪贊心如此風騷事庶幾一辭才許共衆慮始知依
暫別尤交勉新聞幸勿違何如日相對心目發天機

黔闡事竣示回事者

勿云黔士少相士者何如寡味叨衡鑑公勤荅簡書
百靈燈燭後一字腎腸餘心力猶堪共恩私不自居
每於經目處各念致身初挂漏吾知免諸公遠勝予

贈楊太公

父子孫三世文章富貴仙唯其無物累乃可謂天年
理數俱逢獨神人特與全落花隨所值修竹至今然
濟勝寧須杖尋幽屢捨船翻嫌天上苦長乞住桃川

十二月十一日雪

長安雪無候昨夜月方明所見倏而異終然同此清
沾沾動植喜汨汨水泉生天地別爲色冬春才有情
尚期能累日莫遽報新晴驢上橋邊事難言不出城

二月十五日出郭集慈壽寺

若是南方地鶯花事欲闌今年暄最晚只作早春看
新水分冰半孤烟出樹難堤楊黃可必池艸碧無端
務寡客談咏道高僧步安遊期從此數節物爲人寬

夏冰

清冷不必論所貴在虛明大火同時事重陰隔歲情

金仙詩集 卷六
啓藏王政備愆伏帝心平冬夏中何物風霜外有精
水應無此靜雪固讓其貞祭非誠爲重浮瓜祇益輕
一寒誰所護六月儼初成似與暑相得翻嫌秋早生

戲題燕姬新入舟

蘭舫攜初入堪憐未解驚依然形性習漸爾見聞生
侶伴曾無改房櫳似宿成問人沙外影觸類夜中聲
慙豈知津妬嬉偏厭水平所矜非有異相誤謬推誠
岍已移今處村仍指舊名乍聽鄰鼓動始悞共川行
以此爲悶緒因之緩旅情蕩舟舟自若私亦羨身輕

舟次喜

以先寄載酒醯諸口物到戲爲六韻

行行望意氣果以庶珍從許我分三月知君計一冬
倉曹方步送驛使有舟容製蓄功非易緘題禮必恭
挈瓶親檢校染鼎快遭逢朝飽誰能待今宵試左養

恭謁闕里

聖道求斯在人情敬所居瞻依專有屬登覽又其餘
夷夏爭相效賢愚耻自踈面顏開嶽瀆衣履示圖書
檜楫知何已風霜想厥初山頽翻更壽宅壞竟難墟
帝力司呵獲神工職掃除威儀王備物請問素焉如

吉祥寺有梅一株次日往看

同焦弱侯黃貞父

秣陵梅最著靈谷近千株物以多為貴神雖清不孤
我聞生也異所處自無徒松檜高巖骨冰霜綽約膚
寒偏開向暖艷不累其癯各作花思理初無繁簡殊

墜蟬

有群蟻共持之茂之解焉

神潔誠難辱居高未免危又非逢臂怒遂致折肱悲
唵嘯能無廢隄防似亦遲幸災群小急感遇一身知
命已看如蛻心猶惜此綉結纓懷鄙志捎網荷弘慈
弓餌煩相警環珠耻見遺寒宵深抱葉賤子報恩時

再至棲霞寺

前遊在甲寅正月二日

却記曾遊處於今又四年經行才及半聲跡已如前
存沒僧皆去登臨伴不全水風諸感集巖澗六時然
青入無窮內紅爭未落先昔來春物淺翻讓早冬天
姬人剗朱橘作燈懸臘梅花下詠以新句

以意為重醖多情炤一香夜生溟海日寒帶洞庭霜
何惜燒微質貪持暖薄妝精神無可譬形影暫相當
素欲成醜靨丹原具熱腸不離花實外別自作奇光

又

霜質生寒火圓明見寸靈中邊歸了了香色藉星星
花有神相感珠當夢乍醒於茲垂末炤知子惜微馨
薄命非因熱幽懷耻向冥過淮終勿改遲暮鑒娉婷
章晦叔至白門題其行卷

衣帶金陵水君行豈易哉精神隨處始願力有生來
以此縱心往不然中路回度人諸祖事入世列仙才
師友交繇命山川去藉財雪中貧杖履幾見近郊梅
拜林初文先生墓

先生諱章閩之福清人詩文有異骨不爲嘉隆
人聲習讀之知爲豪傑亦耻作文士好倜儻之
畫策竟以奇爲異已者所中齋憤而沒葬金陵
牛首山之高村有子二人曰楸曰古度皆以詩
世其業楸卽子丘古度卽茂之蓋先生沒十年
而惺獲交其子又十年爲萬曆戊午三月十一
日乃拜其墓贈以詩今墓道稱林初文孝廉者
以先生曾舉萬曆癸酉鄉試也

亦是閩中窄終難有此人異鄉三尺土在日四方身
羸博從吾好要離不苟鄰文爲生性命俠作死精神

直以聲相友非緣子拜親骨埋良有故膝屈豈無因
炯炯今堪古存存夜向晨眼光猶未落屍視最爲真

郭聖僕五十詩

在五月五日

世多同面日子獨具精神癖貴居心淨癡多舉體真
每觀三代物用養百年身長豈嫌齊戶孤難在上鄰
無生方是壽與我自相親法界畱君住寥寥予數人

秦淮隔舟

情事良非一層層向此生重陰藏晤語亂火照歌聲
傍願波嘗定窺嫌月太明香光成密感心耳效微誠

人以遙斯貴時因暫不輕
泐洞雖易遇歡惜反難平
投佩申他夕留衫到五更
寄言同坐者漫道意相傾
送董崇相予告還閩兼柬曹能始

見君來歲暮今又道歸閩
終始須明旨行藏匪小
臣一腔憂國念半載杜門人
自有施于政非無著此
身悶尋巖洞舊靜閱奕棋
新寄問東山伴沈冥意果
真

秦淮五日賦得投詩贈汨羅

湘纍千古去意氣久當平
所以懷沙賦無煩激楚聲

佳時神易下幽感目先成舊俗猶歌舞新詩卽杜蘅
思君心窈窕臨水聽分明欲共滄浪語休爲澤畔行
形魂常夢寐酬對若平生因想岷山事悲歡亦此情
訪友夏不值自朝坐至暮始歸

名士身難靜幽居事漸稀約曾煩折柬到尚喜畱扉
敢以偕來衆而疑先去非階庭如有待筆墨得相依
熱客尋聲返寒吟抱影微勞生分暇日舉體在清機
乍雨陂塘氣浮涼艸樹暉此時堅坐意不爲遲君歸
送雷實先以京兆司李遷滇中郡丞還楚

一身三作令十載兩爲丞直以投荒去猶將晉秩稱
留錢諸叟記載石後人懲盜止輕張敞威伸忌李膺
孤舟辭建業初服在江陵時論何須定君心本不競
送南大司馬黃公移督戎政時有遼警

治極思軍旅才難見老成主憂臣子辱師吉丈人貞
箸在前籌近車從熟路輕據鞍今壯志橫架舊間情
堪豈仍言讓聞宜卽戒行臨秋方肅殺會日可清明
戎以何爲政京徒尚有營守攻須早計調募忍相爭
體國寧推命安邊耻得名勇謀疆吏事廟筭仗精誠

訪鄒彥吉先生於惠山園

青衿稱弟子白首拜吾師
 隔歲雖相見登庭亦太遲
 煙霞身羽翼松菊地威儀
 鶴引舟尋勝花因客展期
 選聲窮靜理結構換清思
 泉響寒無著山情月所私
 遊栖非偶爾緣願或先之
 福德衡門在頻來自有時
 詠求仲家紅鸚鵡兼有所贈

毛羽自成族聰明且勿論
 氣堪銷朔雪光久沐朝暉
 照水嘗愁指離鄉况斷魂
 朱衣官幾命紅粒玉深恩
 因熱心無著藏身舌尚存
 歸依惟念佛清淨火中言

遊天平山范長倩園居

始吾來此地祇作范家園
 是日登臨半茲山本末存
 天將全物與人許夙懷敦
 徑借廊分合巘隨樹吐吞
 會心頻拜石尋響或逢源
 孤月炤燈閣千峰生閉門
 高深如一氣墜倚互為根
 自幸遊皆靜秋冬事不煩
 喜錢受之就晤婁江先
 待予吳門不值

不敢要君至既來彌解顏
 友朋相見意形迹亦何關
 兩度來迎候孤舟費往還
 可知心過望正以事多艱
 學道身初健憂時神頗孱
 浮沈十載內毀譽衆人間

試看予流寓何殊子入山機緣如互湊述作有餘閑

吳門悼王亦房

三度吳門路而猶不在茲地曾煩屢約主反問新知

未及交其父君百谷先生第五子云胡奪此兒匪子來太晚是

子去先期漸近詩方始無前意所之驢鳴聞與否麟

死獲何為賤天仍艱嗣圖書又付誰遺文人汎惜衰

戶婦難持酒色藏孤憤英雄受衆疑傷心湯氏餒謂湯

因歸骨范生悲謂范敢問辰安在同遭數太奇愁霖

頻欲和今乃悔遲遲君遊燕詩有雨申見東之作欲追和未及

訪元歎浪齋

讀詩交已定相訪庶無猜室與人俱遠君携我共來

空庭嘗肅穆樹古自低徊積學誠關福居心亦見才

樓尋欽舊物坐臥出新裁寒事幽堪媿冬懷孤更開

鳥聲園所始燈影漏先催靜者方成悅冰霜炤夜杯

梁溪寄井陘兵備朱無易託友人真定守朱叔

熙郵致

相晤書書及言歸歲歲空可堪魚鴈地漸作馬牛風

前後思良友榮枯庇我公謂友夏叔熙不愁三輔隔與戴

金仁荷言集 卷六
二天同木李儀曾報梅花使未通高流羞薦牘遠道
藉郵筒昔荷君民略茲欣上下融况皆存體國豈各
愛輸衷離合情伊始寒温語詎終井陘今夜月亦照
錫山中

讀馬冲然民部詩喜贈

本以意開物豈惟才絕羣每慚師薄德翻幸友多聞
一日知殊淺千秋誼共殷富寧甘作宰書且欲歸君
識力權今古聲情具質文借名心未屑請益禮何勤
鞭影俱非矣樨香舉似云不須窮所至言下已欣欣

題吳孟子念佛圖

女子難於感斯言始雪之看他與願日先我發心時
佛不輕新學君當作導師欲令嘗自見未許老夫窺
面目真開示巾裾儼受持最羞稱小婦久誓覲弘慈
水月楊枝證清涼藥艸知林泉閒步立三七內思惟
但以因緣事仍祈福慧兒不然癡眷屬長此亦奚爲

自題畫贈陳子素考功

時復自揮染天機疑未深感知生喜悅命意到森沈
以我雲烟筆傳君丘壑心無人山路遠不夜水亭陰

妙借空齋氣

君有妙氣齋

清添四壁音可言幽曠內未有

客栖尋

得魏士為書却寄

諛合分功罪浮沈愧暫殊滔滔今若此咄咄豈能無

性不堪同濁身寧免集枯圖書親往哲義命豁前途

交久當繇寡情多不礙孤靜觀山鬼窘瘠借道心腹

時居內艱

謬矣窺君子淺之為丈夫白門聞有約翻使意

嶠

張金銘有幽居在虎谷問胡昌昱言其意影略

寫之詩寄所懷

別來忘歲月未暇念升沉千里夢魂路兩人泉石心

買山兼不貴取徑大都深何處可藏屋此中堪入林

雲流先有響木落尚存陰問罷曾遊客重將筆墨尋

寄賀周明卿太宰加宮保蔭孫

稠疊看新寵殷勤畀舊人欽哉三獨坐咨爾五朝身

譬雨方滋早如星欲向晨豈惟優報稱抑亦望調均

虎拜承天語蟬聯作世臣文饒光蔭胄賈至續絲綸

大禮難謙讓孤懷倍苦辛時危兼 王幼俯仰自遠

鍾伯敬詩集卷之七

七言排律

徐元歎再至金陵過訪將歸吳門送之

已非碌碌舊吳蒙
神宇今番又不同
愛我門庭仍似水
看君衫袖欲從風
爲期珍重冬春後
相晤蹉跎花鳥終
每夜坐皆邀好月
兩年來必值新桐
玉賓蔬茗高人福
語默冰霜靜者衷
生死到時思善友
倡酬忘處見名通
覲顏翻作難遭想
刮目常生屢別中
但使重逢各精進
莫愁岐路暫西東

鍾伯敬詩集卷之八

五言絕句

友夏齋中看折枝海棠

連睡辭新壘含顰憶故枝一番濃頓意絕似馬嵬時

嬾石


為胡彭舉賦

片石能飛來舉體似不惰飛來不肯去名嬾亦自可

又

舞蹈理袍笏端坐不荅拜爾顛子亦嬾同病了不怪

題范素容所作孟和蘭竹畫扇



南國多蘭竹風煙寫未真沅湘魂一段消付管夫人

至巫山

不歷巫山曲焉知楚塞長巴東行二日纔到古高唐

茶詩

水為茶之神飲水意良足但問品泉人茶是水何物

其二

飲罷意爽然香色味焉往不知初啜時從何寄遐賞

其三

室香生爐中爐寒香未已當其離合間可以得茶理

前懊曲

錦衣亦有寒肉食亦有饑安知怨曠日不在合歡時

又

畏君知儂心復畏知君意兩不關情人無復傷心事

又

所願謂儂癡所願謂儂薄剪刀斷君情歡怨無繇作

後懊曲

女子惟一身丈夫百爾思星中露中事來問儂底為

又

郎自志心人不用頻銀臂儂命郎所為好醜作儂計

又

竊玉移花事臥薪嘗膽情保郎無得失天知郎至誠

自題桐陰圖贈莊若侯明府其尊人鶴坡予同

年

高低不作林烟雨自深深託庇名高士濃陰兩世心

鍾伯敬詩集卷之九

六言絕句

諾詎那尊者蠟偈

有僧人牛頭寺寺僧禮之臨去遺一鑰曰持此至中蠟扣

石笋即見我矣久之低頭佛失珠僧迫乃憶前語持鑰扣笋笋開為三得盜珠還

偶爾喪珠復反急時扣鑰相求未免勞勞多事世尊

不合低頭

其二

木必衣珠真失總緣蠟石當開自供羅漢遊戲不管

山僧往來

鍾伯敬詩集卷之十

七言絕句

秣陵桃葉歌 并序

余初適金陵遊止不過兩三月採俗觀風十不
得五就聞見記憶雜錄成歌此地故有桃葉渡
借以命名取夫俚而真質而諧猶云柳枝竹枝
之類聊資鼓掌云爾

覆舟春半望鷄籠玄武青青隔雨紅古寺夕陽流水
外遊人不信是城中

又

女兒十五未知羞市上門前作伴遊今日相邀伴不出郎家昨送玉搔頭

又

珠樓畫舫隔垂楊各住兒郎各女郎不知河房看船上不知船上看河房

又

麥苗春淺互高低滿目青黃望未齊畚土挑來錢四十丁公募挖上河堤

又

四月鱗魚不論錢千錢劣得一時先河邊挑向城中去走到城中減半千

又

千金舊院博嬌歌車馬輸他狗洞多阿母私嗔門冷落埋名偷住上新河

又

小合輕囊貯甲煎自溫舊火試新烟休論爐底名香價一碗爐灰買百錢

金仙詩集 卷十
有贈

閱盡朱門與狹斜
綠珠弟子舊名娃
縱懷玉遂他家
去忍聽尊前說石家

僧至自五臺得座師雷太史書

悔從暇日負名山
接得涼雲片片閑
向肯相隨拚一月
此時應共此僧還

又

渴筆摩崖幾處拈
山僧去後解莊嚴
歐公自寫遊山記
不必銀鈎借子瞻

蜀道九日

累日登山不記重
峽中九日客中逢
只今輿馬平平處
何止家園上上峰

早發成都出西郊

萬里橋頭稍稍西
鷄棲虎落信高低
沿城一派青青路
昨日從茲問浣溪

又

細水平橋著處宜
薄煙疎竹小離離
野人置屋溪流上
身住仙源知不知

金仙詩集 卷一
三
喚魚潭

澄潭釣餌自來無
慣聽池彌拍手呼
亦是遊魚耳根
鈍千年長被俗僧愚

七夕

一局殘棋運幾終
仙凡甲子不相同
安知河漢經年
別不似人間一夕中

次夜

八盡山寒尚不生
月明尤自益秋清
不知昨夜遊非
請聽今宵暮雨聲

答彥先兩夜見柬

蕭然形影自爲雙
旅况鄉心久客降
歷盡嚴霜如落
葉聽多寒雨只疎窗

其二

漸無存沒鄉中夢
慣歷寒溫客裏身
一片猪肝稱地
主去畱如此易依人

題李長蘅寒林圖

蒼然一片深寒裏
纔著蕭疎四五株
但作千林風雪
看淒聲遙影不曾無

丘長孺將赴遼陽畱詩別友意欲勿生壯惋之
餘和以送之

曲突何曾勸徙薪烽烟桴鼓重邊臣全遼三五年中
事爛額焦頭半楚人

其二

近來宣大報粗安封欵羈縻似不難火食屋居非一
日此中難作卜曾看

其三

自顧平生稍稍酬不須更論及封侯只茲拚死輕生

意洒盡膏梁筆墨羞

其四

一着戎衣事事輕 君恩除却即交情看君已斷身
家想猶記畱詩別友生

其五

借箸前籌戰守和較君當局意如何豈應但作旁觀
者預擬饒歌與挽歌 長孺有諸君醮筆懸相待
不是饒歌即挽詩之句

答友夏問伯敬南姬生子消息

親捧明珠早付郎置身何異在君旁却教天上徐徐

金仙詩集 卷一
送暫緩人前喚阿孃

其二

照水桃花不肯寒
貪看結子畏花殘
那知今日纍纍
後仍作春花二月看

歸經玉泉

猶是山中九月秋
來時流水夜中幽
泉聲不在有泉
處會向林蟬頰月求

歸經蒙惠二泉

始見山前光滿林
泉流秋氣月邊深
依然寒照此流

水再踏孤光何所尋

至京山與友夏別

八月出門冬已臨
別時未滿共遊心
憐秋不欲言秋
去但指山山秋色深

桃源洞

商山海上半秦民
何獨桃源是避秦
滿洞仙人一漁
子翻疑漁子是仙人

又

桃花一水出何期
一日驚聞所未知
歸問漁郎洞中

金仙詩集卷一
事桑麻鷄犬甚無奇

沅州見芙蓉

來日初秋秋已周依然燼燒在汀洲南荒寒晚霜應
爇肯讓芙蓉紅一秋

畫蘭詩

丘壑胸中又筆端每從捧研得相觀縱然寫就疑郎
代別出心情學畫蘭

又

天然向背不求工風日陰晴阿堵中香色各隨人所

近有情難與衆花同

又

曾賜宜男艸自栽國香夜夜夢中來精誠再託閨揮
染應結今生筆墨胎

又

幽心無改貌推移歲月寒溫不可知今日微芳難記
取自傳粉本待他時

題尤時純農服小像

襤褸祁寒暑雨身別將憂樂寄精神記從何處曾相

金仙詩集 卷一
識七月幽風內一人

冬夜茗溪看雨後初月兼有懷贈

茗溪夜夜可言秋雨止晴初但一幽一縷遠山中有
幾半爲光艷半爲愁

又

怯寒喜霽一痕移早出姍姍反似遲君自乍看兼後
至恠人藏露不多時

彥吉先生席上觀劇贈周郎

獨絲抽半瑄灰過四坐冥冥但有歌一縷風中香欲

去燭燈影裏占無多

又

乍見聲聞好女身寒空一葉下無因可知今夜登場
者却是前生顧曲人

題畫

有引

向寄友夏寒河圖多其位置竹樹陂岬不寒河
不已病起偶得佳紙作一古樹不覺高出於紙
茅齋之外不益一物空處忽露半舟曰此寒河
也戲題而寄之作文之法亦如此

孤樹何曾近寸波偶添舟影即寒河
高人宛在茅堂裏却悔從前點染多

桃花下見盆中水仙花開獨妙贈以四絕
余會咏水

仙有先春似避寒梅妬之句夫避妬誠有之
能保春時不與梅同花哉花在梅後仙乎仙
乎吾知免矣前二
首悔予術之踈也

偶向殘冬遇洛神孤情只道立先春
今從九月過三月疑是前身與後身

又

物值同時妬亦宜梅花今見子離離
相逢洞口千紅

裏素影當前君不知

又

萬花如醖柳如煙嘗恐冰綃畏不前
曾在水邊衣不濕可知入火不能然

又

每笑梅花太畏喧一身自許歷寒温
春風特念冰霜後邀與春花共慰存

新月要彭舉試茶辭以睡有詩自嘲和之

香色封題爭好春流聲來處月痕新
高人祇當前宵

雨猶作幽窗臥聽人

戲題畫

紙墨初乾米酒隨此生醉飽不須疑
雙荷葉竟先收去共待添丁暫忍饑

